

ազգաստոհմէ , մի քահանայ Սաղիանի , և երկուքն ի բանիմաց և յազգասէր պարոնայց Չամախուոյ , կամ Բագուայ , որք ի բացակայութեան՝ կարեն փոխանորդօք օժանդակել զործոյն , իսկ չինգերրորդն՝ որ և նախագահ , լիցի միշտ վանահայրն Ս. Ստեփաննոսի վանից որ ի Սաղիան :

„ Է. Վանական ուսումնարանն Ս. Ստեփաննոսի վանից Սաղիանի կառավարեսցի հետեւեալ արդեամբք :

„ Ա. Տոկոսեօք տասն հազար ըուբլի զրամազլխոյ. «Բուզադեան եղբարց» :

„ Բ. Տարեկան մի հարիւր ըուբլի մշտական օժանդակութիւն ի կողմանէ վանից Ս. Ստեփաննոսի որ ի Սաղիան :

„ Գ. Թոշակազրամ երթեւեկ աշակերտաց՝ ըստ որոշման վարչութեան ուսումնարանին :

„ Ը. Վանահայրն զոլով նախագահ վարչութեան ուսումնարանին իբրեւ մերձաւոր հսկող և պատասխանատու , պարտաւոր է միշտ աշակուրջ արթնութեամբ հսկել ի վերայ բարեկարգութեան ուսումնարանին և յստկապէս կարգապահութեան ուսուցչաց և դասաւանդութեան նոցա՝ համաձայն հաստատեալ ի Վեհափառ Հայրապետէ ծրագրին ուսմանց , նոյնպէս և ի վերայ բարոյական կրթութեան և կենցաղավարութեան աշակերտաց և պարագմանց նոցին , ևս և կարեւոր պիտոյից և պարագայից ուսումնարանին :

„ Թ. Վարչութիւնն վանական ուսումնարանին ընտրեսցէ յանդամոց իւրոց զգանձապետ , որում և յանձնեսցին ուսումնարանական գրամքն՝ ի մուծանել ի մատեանն և ըստ կարգադրութեան վարչութեանն՝ մատակարարել զայն :

Բ. ՅԱՂԱԳՍ ԸՆԴՈՒՆԵԼՈՒԹԵԱՆ ԱՇԱԿԵՐՏԱՅ

„ Ժ. Քանզի բուն նպատակ վանական ուսումնարանիս է պտորատել զարժանաւոր պաշտօնեայս եկեղեցւոյ , ոչը վասն և մեծամասնութիւն աշակերտաց պարտի լինել յորդոց քահանայից և քահանայացու զպրաց :

„ ԺԱ. Թիւ գիշերօթիկ և երթեւեկ աշակերտաց սրոշի ի